

Pola presente Don Gustavo Barcia Seijo concelleiro e portavoz municipal do BNG no Concello de Mos expón o seguinte:

- Que de forma reiterada o goberno municipal do Concello de Mos vulnera o dereito ao acceso á información así como o labor de fiscalización dos concelleiros da oposición, o cal supón unha vulneración non só dos dereitos dos concelleiros se non dos dereitos da cidadanía á cal representan.
- Que á data do presente escrito o goberno nin respondeu nin facilitou a información solicitada en varios escritos presentados (achégase copia dos mesmos co presente escrito) todos eles presentados entre hai un e tres meses.
- Ata en dúas ocasión o concelleiro do BNG solicitou en sesión plenaria que as peticións de información foran atendidas e respondidas nun tempo razoable.
- No caso específico dunha petición que se realizou sobre gastos protocolarios a presidenta do pleno e alcaldesa respondeu en sesión plenaria de novembro de 2020 que estaban á disposición do concelleiro do BNG, a día do presente escrito nin se facilitou nin deu acceso a esa información solicitada.
- O goberno municipal de Mos coa actitude de non entregar a información que se lle solicita está vulnerando varias normas e leis tales como:
 - O artigo 77 da *Ley 7/1985, de 2 de abril, Reguladora de las Bases del Régimen Local*.
 - Os artigos 14 e 15 do *Real Decreto 2568/1986, de 28 de noviembre, Reglamento de Organización, Funcionamiento y Régimen Jurídico de las Entidades Locales*.
 - A *Ley 19/2013, de 9 de diciembre, de transparencia, acceso a la información pública y buen gobierno*.
 - O artigo 6 do *Reglamento Orgánico do Concello de Mos*.

Polo exposto solicitamos amparo da Valedora do Pobo solicitando que:

- Que o goberno municipal de Mos respecte e cumpra as leis e normas que garanten o dereito á información así como a labor de fiscalización dos concelleiros da oposición.
- Que no prazo mais breve posible proporcione a información solicitada dende hai meses polo concelleiro que asina este escrito.
- Conminar ao goberno municipal do concello de Mos que estas actitudes e manobras non se repitan no futuro.

En Mos a 14 de xaneiro de 2021

Gustavo Barcia Seijo

Concelleiro e Portavoz Municipal do BNG de Mos